



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՈՐԱԿԱՎՈՐՄԱՆ ՀԱՆՁՆԱԺՈՂՈՎ

### Ո Ր Ո Շ ՈՒ Մ

#### ՈՐԱԿԱՎՈՐՄԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԺԱՄԱՆԱԿԱՑՈՒՅՑԵՐԸ ՍԱՀՄԱՆԵԼՈՒ ՄԱՍԻՆ

Հայաստանի Հանրապետության փաստաբանների պալատի որակավորման հանձնաժողովը (**այսուհետ՝ Հանձնաժողով**), մասնակցությամբ՝ Հանձնաժողովի նախագահ Հունան Տեր-Վարդանյանի, անդամներ Արա Զոհրաբյանի, Արմինե Ֆանյանի, Միսակ Մարկոսյանի, Գառնիկ Թուփստարյանի, Տաթևիկ Դավթյանի, Արսեն Համբարձումյանի, Արթուր Պողոսյանի և Արտյոմ Սուջյանի,

նկատի ունենալով այն, որ Հանձնաժողովի 17.10.2023թ. թիվ 9/1-Լ որոշման 2-րդ կետի համաձայն՝ Հանձնաժողովը որոշել է «Փաստաբանության մասին» օրենքի 45.11-րդ հոդվածի 1-ին մասի 2-րդ և 3-րդ կետերում նշված անձանց որակավորման քննությունները կազմակերպել և անցկացնել տարին մեկ անգամ,

հաշվի առնելով այն հանգամանքը, որ 2024թ. առաջին կիսամյակի ընթացքում անցկացված որակավորման քննություններին «Փաստաբանության մասին» օրենքի 45.11-րդ հոդվածի 1-ին մասի 2-րդ և 3-րդ կետերում նշված անձանց խմբերից մասնակցել է միայն 5-ը, որոնցից որևէ մեկը չի հանձնել որակավորման քննությունները,

հաշվի առնելով նաև այն, որ յուրաքանչյուր կիսամյակում ՀՀ փաստաբանական ակադեմիան տալիս է 90-ից ավելի շրջանավարտներ, որոնք իրավունք ունեն մասնակցել որակավորման քննություններին,

ղեկավարվելով «Փաստաբանության մասին» օրենքի 45.11-րդ հոդվածի, ՀՀ փաստաբանների պալատի խորհրդի 13.01.2023թ. թիվ 2/4-Լ որոշմամբ հաստատված Որակավորման հանձնաժողովի ձևավորման և գործունեության կարգի 46-րդ կետի և ՀՀ փաստաբանների պալատի խորհրդի 13.01.2023թ. թիվ 2/4-Լ որոշմամբ հաստատված Որակավորման քննությունների կազմակերպման, ընդունման, անցկացման և հանձնման կարգի 8-րդ կետի 1-ին ենթակետի պահանջներով, միաձայն

### ՈՐՈՇԵՑ՝

**1. Սահմանել ՀՀ փաստաբանական ակադեմիան ավարտած ունկնդիրների որակավորման քննությունների կազմակերպման և անցկացման 2024 թվականի երկրորդ կիսամյակի ժամանակացույցը՝ համաձայն հավելվածի:**

**2. Ժամանակացույցը հրապարակել ՀՀ փաստաբանների պալատի կայքում:**

ՀՀ փաստաբանների պալատի  
որակավորման հանձնաժողովի  
նախագահ՝

Հունան Տեր-Վարդանյան

Որոշում N 5/1-Լ

ք. Երևան

01 հոկտեմբերի 2024թ.